


Fakkeenya qalbii muwwahidaa fi qalbii mushrikaa

## Description

Muwwahida jechuun nama Rabbiin qofa gabbaruudha. Mushrika jechuun immoo nama Rabbii oltaâ€™aa waliin waan biraa gabbaruu (waaqeffatuu) dha. Dhugumatti, qalbiin namoota kanniin lamaani gonkumaa wal hin qixxaâ€™an. Qalbiin tawhiidaan qulqulloofte fi qalbiin shirkiin xuroofte wal qixxaâ€™u?



â€œLafti gaariin hayyama Gooftaa ishiitiin biqilaan ishii ni baha. Badduu tan taate immoo ulfaatinnaan xiqqoo malee hin baastu. Akka kanatti ummata galateefataniif aayaata addeessina.â€¢ Suuratu Al-Aâ€™araaf 7:58


â€œLafti gaariin hayyama Gooftaa ishiitiin biqilaan ishii ni baha.â€¢ Kana jechuun yommuu roobni lafa qulqulluu fi bilchooftu taate irratti buâ€™u, hayyamaa fi fedhii Rabbiitiin biqiltuu gaarii fi bareeda baasti. Haaluma kanaan muâ€™minnis yommuu Qurâ€™aana dhagayu fi hubatu, itti fayyadama, buâ€™aan isaa isarraa mulâ€™ata.

â€œBadduu tan taate immoo ulfaatinnaan xiqqoo malee hin baastu.â€¢ Kana jechuun lafti badduu taatee fi biyyeen ishii biqiltoota biqilchuuf hin mijoofne immoo ulfaatinnaan biqiltoota xiqqoo faaydan keessa hin jirre baasti. Lafti tuni lafa ashaboo ykn dhagaan itti baayâ€™atuudha. Akkuma kana kaafirri Qurâ€™aanatti hin fayyadamu [1] Akkuma lafti tuni roobatti fayyadamtee biqiltoota gaarii biqilchuu hin dandeenye, kaafirris Qurâ€™aanatti fayyadamee faayda guddaa hin buusu. Akkuma lafa tanaa qalbiin isaa tan gogdeedha.

â€œAkka kanatti ummata galateefataniif aayaata addeessinaâ€¢ Kana jechuun akka kanatti namoota Rabbiin galateeffataniif karaa adda addaatin keeyattoota, ragaalee fi mallattoolee ibsina, fakkeenyota dhiyeessina. Isaan warra wanta Rabbiin kitaaba Isaa keessatti ibse irraa fayyadamanidha.

Fakkeenyi armaan olii yommuu wahyiin buâ€™uu haala qalbii namootaa ibsa. Akkuma bishaan samii irraa buâ€™uu qaamaaf jirenyaa taâ€™e wahyiin samii irraa buâ€™us qalbiif jirenyaa taâ€™a. Qalbiin gaariin yommuu wahyiin itti dhufu, ni fudhatti, ni baratti. Gaarummaa hundee ishiiti fi bareedinna uumama ishii irratti hundaaâ€™e buâ€™aa ni buusti.

Qalbiin badduu (khabiisa) taate tan kheyrin keessa hin jirre immoo yommuu wahyiin itti dhufu bakka keessa qubatu hin argatu. Kana irra, gaafila, garagaltu ykn faallessitu taâ€™ee argata. Akka rooba cirracha, ashawaa fi dhagaa irratti buâ€™eeti. Homaa dhiibbaa irratti hin geessu [2]



Wal fakkeenya lafa gaarii fi qalbii muwwahidaa (muâ€™mina), lafa badduu fi qalbii mushrikaa (kaafira)

Aayah armaan olii hadiisa kanaan ibsuun ni dandaâ€™ama: Ergamaan Rabbii (SAW) akkana jedhan: Fakkeenyi beekumsaa fi qajeelinna Rabbiin azza wa jalla ittiin na ergee akka fakkeenya rooba dachii irratti buâ€™eeti. Dachii tana irraa lafa gaarii taate tan bishaan fudhattee kaloo fi marga baayâ€™ee magarsitutu jira. Ammas, dachii irraa lafa jabaattu fi tan bishaan of keessatti kuustudha. Namoonni [bishaan kanatti] ni fayyadamu, ofiilee dhuganii, horiis obaasu. Lafti biraamimmoo maseena tan taatetu jira. Bishaanis of keessatti hin qabattu, kaloos hin biqilchitu.

Fakkeenyi jalqabaa akka nama diinii Rabbii hubatee fi wanta Rabbiin ittiin na ergeen namoota fayyadeedha. [Fakkeenyi lammataa] nama beekumsa amantii baratee barsiisedha. [Fakkeenyi sadaffaan] immoo nama kanaan mataa isaa ol hin qabnee fi qajeelcha Rabbiin kan ani ittiin ergame hin fudhaneedha. [\[2\] Sahih Muslim 2282](#)

Namni jalqabaaakkuma lafti bilchooftun bishaan qabachuun margaa fi biqiltoota biroo baastu fi namoonni irraa fayyadaman, innis amanti Islaamaa sirritti hubachuun ofii itti fayyadama, namoota biroos ni fayyada. Namni lammataaakkuma lafti jabaattun bishaan kuufachuun namoonni irraa fayyadaman, innis beekumsa kuusun namoonni isaa irraa waraabbachuun itti fayyadamu.

Namni sadaffaan immoo akka lafa maseena bishaanis hin kuusne biqiltus hin magarsineedha. Inni beekumsa fi qajeelcha Ergamaan Rabbii (SAW) ittiin ergaman hin fudhatu.

[1] Tafsiir Muyassar-158, Tafsiir Qurxubii-9/256, Zaadul Masiir-503 [2] Tafsiir Saâ€™dii-329

---

**Author**

admin